

呂帝詩集題詞

書曰詩言志歌永言詩與詞亦文類也我

帝師之詩詞無一語不關合道妙誠能潛心默會則一字一金丹拈花之妙任人領取矣夫大羅天上之高真以詩文成帙傳於世者推白紫清海瓊集爲最著顧顯指丹法雖極精微猶爲上仙所同至若每發一語卽寓玄機無妙不澈無秘不傳者則億萬年來惟吾

帝師一人而已噫九天之咳吐遍落珠璣真如雨露之普施而人世之流傳曾不及什一於千百是亦緣會有待而然也前此刊刻全書收詩無幾且多割裂不盡畫一今覺源法壇重輯全

道藏輯要

詩集
題詞二二

二

室集六
川一

書博採羣籍廣蒐珍秘其有見於聖蹟紀要中者不重編入集外統就所見分體排列將百倍於曩時所載之什爰命及門屢加詳校期無魯魚亥豕之訛俾讀者得由斯以作問道津梁是固當求之無聲之表而勿僅歎美於篇章字句間也

宏教弟子柳守元熏沐題詞